



## PEKELILING PEMBERIAN BANTUAN KHAS KEWANGAN (BKK) BAJET 2019 KEPADA PEGAWAI PERKHIDMATAN AWAM NEGERI PERAK

### BIL 4 TAHUN 2018

#### 1. TUJUAN

- 1.1 Kerajaan telah memutuskan untuk memberi Bantuan Khas Kewangan (BKK) Bajet 2019 sebanyak sebulan gaji atau minimum RM2,000 kepada pegawai Perkhidmatan Awam Negeri, dan dilaksanakan melalui dua kali pembayaran.
- 1.2 Garis panduan ini bertujuan untuk menjelaskan kaedah pembayaran kali pertama BKK Bajet 2019 tersebut.

#### 2. PEGAWAI YANG LAYAK DIBAYAR

- 2.1 BKK Bajet 2019 layak diterima oleh anggota pentadbiran Kerajaan Negeri, pegawai lantikan tetap, pegawai yang dipinjamkan ke agensi Negeri, lantikan *contract of service*, dan lantikan *contract for service* yang **masih berkhidmat pada tarikh pembentangan Bajet 2019 iaitu pada 27 November 2018** dan telah berkhidmat sekurang-kurangnya 30 hari berturut-turut (termasuk semua jenis cuti bergaji penuh yang layak) dalam tempoh 1 Januari 2018 hingga 31 Disember 2018.
- 2.2 Bagi maksud pembayaran BKK Bajet 2019 kali pertama ini, ia dibayar pada kadar setengah bulan gaji terkini (Disember 2018) pegawai atau RM1,000, mengikut mana yang lebih tinggi.

#### 3. PEGAWAI LANTIKAN BARU, BARU BERPINDAH DARI PERKHIDMATAN AWAM PERSEKUTUAN DAN MENINGGAL DUNIA DI DALAM PERKHIDMATAN

- 3.1 Tertakluk kepada perenggan 2.1, pegawai berikut adalah layak di bayar BKK Bajet 2019 secara *pro-rata*:
  - i. Anggota Pentadbiran dan pegawai awam yang baru dilantik di dalam tahun 2018;
  - ii. Pegawai baru berpindah dari Perkhidmatan Awam Persekutuan; dan
  - iii. Pegawai yang meninggal dunia di dalam perkhidmatan.

- 3.2 Formula perkiraan bagi pembayaran BKK untuk perenggan 3.1 adalah seperti berikut:

$$\frac{\text{Hari Berkhidmat} \times \frac{1}{2} \times [\text{Gaji Pokok atau RM2,000}]}{365 \text{ hari}}$$

#### 4. PEGAWAI YANG BERSARA

- 4.1 Tertakluk kepada perenggan 2.1, pegawai yang bersara wajib atau bersara pilihan dalam tahun 2018 adalah layak untuk dibayar BKK Bajet 2019 secara *pro-rata* mengikut formula berikut:
- 4.2 Pesara Perkhidmatan Awam yang dilantik semula secara *contract of service/contract for service* juga layak dibayar BKK Bajet 2019 menggunakan formula di perenggan 4.1, dengan syarat mematuhi syarat di perenggan 2.1.

$$\frac{\text{Hari Berkhidmat} \times \frac{1}{2} \times [\text{Gaji Pokok atau RM2,000}] - \text{RM250}}{365 \text{ hari}}$$

#### 5. PEGAWAI YANG BERCUTI TANPA GAJI, BERCUTI SEPARUH GAJI DAN BERCUTI BELAJAR SEPENUH MASA

- 5.1 Tertakluk kepada perenggan 2.1, kakitangan yang bercuti tanpa gaji (CTG), bercuti separuh gaji (CSG) dan bercuti belajar sepenuh masa (CBBP) adalah layak dibayar BKK Bajet 2019 secara *pro-rata* mengikut formula berikut:

$$\frac{(\text{Hari Berkhidmat-CTG-CSG-CBBP}) \times \frac{1}{2} \times [\text{Gaji Pokok atau RM2,000}]}{365 \text{ hari}}$$

## 6. PEGAWAI YANG DITANGGUHKAN BAYARAN

- 6.1 Tertakluk dengan perenggan 2.1, pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib adalah ditangguhkan bayaran BKK Bajet 2019.
- 6.2 Pegawai hanya layak dibayar BKK Bajet 2019 sekiranya Pihak Berkuasa Tatatertib memutuskan pegawai tersebut tidak bersalah.

## 7. PEGAWAI YANG TIDAK LAYAK

- 7.1 Berikut adalah senarai pegawai yang tidak layak dibayar BKK Bajet 2019:
- i. Pegawai yang berkhidmat kurang dari 30 hari berturut-turut (termasuk semua jenis cuti bergaji penuh yang layak) dalam tempoh 1 Januari 2018 hingga 31 Disember 2018;
  - ii. Pegawai yang dikenakan hukuman tatatertib dalam tempoh 1 Januari 2018 hingga 31 Disember 2018; dan
  - iii. Pegawai yang telah meletak jawatan, tamat kontrak atau telah ditamatkan perkhidmatan dari perkhidmatan awam sebelum tarikh pembayaran BKK Bajet 2019 adalah tidak layak dibayar.

## 8. PEGAWAI SAMBILAN HARIAN (PSH)

- 8.1 Tertakluk kepada perenggan di 2.1, BKK Bajet 2019 sebanyak RM500.00 dipanjangkan kepada Pekerja Sambilan Harian (PSH) mengikut perkiraan berikut:

$(\text{Hari Berkhidmat-CTG}) \times \text{RM500}$
<hr/>
365 hari


## 9. PEMBAYARAN

- 9.1 Pembayaran BKK Bajet 2019 ini adalah menjadi tanggungan jabatan di mana pegawai berkhidmat pada bulan pembayaran, atau jabatan terakhir pegawai berkhidmat.
- 9.2 Bagi maksud formula perkiraan:
- i. Gaji Pokok merujuk kepada Gaji Pokok pegawai pada bulan Disember 2018, TIDAK termasuk apa-apa elaun lain; dan
  - ii. 'Hari Berkhidmat' adalah perkiraan hari berkhidmat di dalam Perkhidmatan Awam Negeri, termasuklah semua jenis cuti bergaji penuh yang layak, dengan anggapan bahawa pegawai masih berkhidmat sehingga 31 Disember 2018.
- 9.3 Sekiranya pegawai berkenaan tidak terus berkhidmat sehingga 31 Disember 2018 atas apa-apa alasan, pelarasan semula BKK Bajet 2019 perlu dilaksanakan oleh jabatan pembayar.
- 9.4 Tarikh pembayaran BKK Bajet 2019 ialah **19 Disember 2018**.

Sekian, terima kasih.

**'BERKHIDMAT UNTUK NEGARA'**

Saya yang menjalankan amanah



**(DATO' ABU BAKAR BIN HAJI SÂID)**  
Pegawai Kewangan Negeri

4  
Disember 2018

s.k: YB Setiausaha Kerajaan Negeri  
Perak Darul Ridzuan